

證因脈治

午 2

78

共 3 册



證因脉治目錄

論醫宗必讀症因差誤症治不合

論內經金匱陰虛陽虛症因各別

治法不同

中風總論

外感中風

內傷中風論

內傷中風症

外感半身不遂

內傷半身不遂

外感四肢不舉

內傷四肢不舉

外感口眼喎斜

內傷口眼喎斜

外感口噤不語

內傷口噤不語

外感痰壅

內傷痰壅

外感舌音不清

內傷舌音不清

外感遺尿

內傷遺尿

傷寒總論

中寒論

中熱中暑總論

中熱病——即無表邪之熱病

寒熱病論

寒熱病——即有表邪之熱病

發熱總論

外感發熱

風寒發熱



溫熱發熱
內傷發熱
氣分發熱
血分發熱



證因脉治卷之一

論醫宗必讀症因差誤症治不合

李士材先生醫宗必讀書廣為流布也先生大意多得之王宇
泰準繩而立論則宗薛氏十六種其論中風一症則辨別真類
泄瀉之治立法昭明心胃之痛詳加註別咳嗽腰痛皆分外感
內傷腫脹之症分別虛實寒熱俱無遺議者矣但其中尚有未
純之處前此相沿成弊如首論傷寒傳至三陰之條誤引直中
陰經之方混一立治夫先起三陽以後傳至三陰乃是傳經之



陽症經雖屬陰邪則陽邪故傷寒經云先發熱後發厥此乃是傳經之邪非直中陰經寒症是熱深厥深之謂也今先生反用直中陰經陰症之方而曰輕則理中湯重則四逆湯後於直中陰經條下又云初起不發熱便見症寒症者名為直中經陰經之寒症亦以此二湯主之夫傳至三陰陽症也直中陰經陰症也一寒一熱二症天壤而以一法混治豈理也哉至論虛勞一症于吐血條下首列蘇子降氣湯一方極為不可丹溪先生云口鼻出血皆是陽盛陰虛法當補陰抑陽又曰犀角之性皆能

升散一切有餘之火。若陰虛者用之。寧免飛揚之患乎。夫犀角
清涼辛散。尚為陰虛者所戒。而蘇子前胡半夏沉香辛溫升散
之味。豈為虛勞吐血之所宜乎。此外感吐血之方。不應列入虛
勞吐血條內。先生因見準繩書失於分別。是以展轉相誤。後張
三錫先生集治法彙。獨刪去此方。良有苦心也。至痢疾一症。有
四時寒熱之不同。今先生混引衛生寶鑑所引經文脾泄腎泄
內傷痢症之說。而歸重于脾腎二經立論。不知脾傳腎腎傳脾
乃論五臟相承內傷痢。非所論夏秋熱痢之條。今先生論中既

曰痢起夏秋濕蒸鬱熱亦論夏秋之痢矣既即當從秋令燥金
陽明司令立論而歸重于腸胃二經不宜牽入脾腎夏秋之先
水泄後膿血先膿血後水瀉乃是手足陽明之濕熱症非脾腎
相傳之微邪賊邪內傷症也古人云大腸受病則氣凝注而成
白痢小腸受病則血凝注而成赤痢大小腸均受其病則赤白相雜而下胃之濕熱下淫于大
小腸者亦如此即按經文曰腸澼下血曰腸澼下白沫曰膿腸
澼下膿血諸條之論皆以膿腸字立言不曰脾澼腎澼而曰腸
澼則知痢症當以腸字為主矣今先生論中脫却腸字本題而

獨重于脾腎二經。則夏秋之痢。先生欲補此兩臟乎。抑欲溫此兩臟乎。夫脾泄腎泄。臟氣不足。內傷之虛症。臟症也。若夏秋之痢。腸胃受邪。外感之實症。腑症也。內傷不足。外感有餘。二者天壤。即有少陰下痢膿血一症。乃是手少陰心主為患。非足少陰脾傳腎之一症。故保命集以少陰痢曰小腸泄。以心與小腸為表裏。心移熱于小腸。小腸移熱于大腸。則下痢膿血。以手少陰心經主血故也。經雖屬陰。症則陽邪。如傷寒陽症傳陰經之比也。夫夏秋之痢。先要究其致病之根。當五六月己午丙丁行權。

而庚金大腸受剋于夏令之時。預傷其金水。至秋燥金行。令金被火刑。薰爍下溜。赤屬火之本來。白屬金之本色。而赤白相雜之痢作矣。即或純白無紅。雖非心火所乘。亦為素秋燥火太旺。傷其金位本身。故白色溶化而下。此為乘令而得病者也。今先生言。牽帶脾腎。妄存溫補固澁。橫格胸中。致令痴人說夢。便有初起之痢。腸胃壅滯。熱鬱于中。反見外寒。兼化之象。誤認虛寒。竟以古人辛溫發表方中。妄加補澁之藥。混治濕熱燥熱之痢。痢不知古人辛溫散表。乃治寒濕之痢也。症重者為害匪輕。

症輕者遷延變重。即有用溫補能愈此疾者。非前醫大用祛積
積氣已清。即寒涼直進。失加嚮導。抑遏中州。偶遇辛溫。開通鬱
結。實得辛溫散結之功。非得溫補之力也。夫濕鬱一痢。從時令
寒濕加臨。外鬱表邪。內壅積滯。是以用辛溫之藥。然亦但取其
辛溫散表。非取其辛溫之補也。夫治痢過用寒涼。剋削誠為不
可。但起初濕火燥火。失于清利。則腸胃頃刻腐爛。補脾補腎。乃
是後來調補法也。故曰視其緩急。調其氣血。表症在者。汗之散
之。裏症急者。清之利之。至痢症中腹痛一門。有積滯壅塞之痛。

用下藥以行之有氣鬱大腸之痛用桔梗以開之有氣血不和之痛用芍藥以和之今止舉氣鬱一條曰以桔梗開之下曰以芍藥為主不分二味收散不同混叙氣鬱條內又無積滯作痛應下本條似乎腹痛之痢再無下行之法又云惡寒者加乾姜惡熱者加黃連夫症有似陰似陽兼化之假象宜察內症脉息未可以惡寒惡熱為據也後肛痛一條上云熱流於下用槐花木香是矣又云挾寒者用理中湯挾字下得不妥厚原病式豈云豈有寒熱夾雜于腸胃間乎夫肛痛初起再無寒痛之理痢

之日久。然後見痛。方爲元氣下陷。然止宜用補中益氣湯以升提之。未可用理中湯以治。因肛痛皆是濕熱下流。燥火閉塞。即痢之日久者。亦止宜于補。未宜于溫。即令虛矣。寒則未必寒也。若是虛而兼寒。則肛門當不禁而疼痛矣。又曰局方復菴例用辛熱。河澗丹溪例用苦寒。何其執而不圓。不知夏秋之痢與四時之痢不同。夏秋之痢本于濕熱。但有濕淫燥淫之別。從治正治之分。局方復菴例用辛溫。深恐濕淫於內。不行辛散從治而用苦寒正治。則寒涼抑遏。有邪凝內伏之虞。是以用辛散以治。

寒濕之治痢此宗內經濕淫于內治以苦熱濕淫所勝平以苦熱而開濕淫為痢表症居多之法門也河澗丹溪例用苦寒蓋謂夏秋之痢燥火為患熱毒壅塞腸胃此時若效從治之法則燥火而遇辛溫腸胃頃刻焚爛是以用苦寒宣利之劑以為正治之法此宗內經熱淫于內治之以鹹寒熱淫所勝治以苦寒而開燥熱為痢裏症居多之法門也用溫用寒因發表攻裏二法各別今先生不發明四公之意開示後人反毀四公令後學不明余今較正傷寒例仍遵仲景先生之法夏秋之痢當分燥

火濕火四時之痢當分外感內傷時行疫痢當分六氣歲氣如
雨濕之年流行之紀宜用發表者以辛涼辛溫之法治之亢旱
之年赫曦之政宜用攻裏者以苦寒鹹寒之味治之深彰先生
之道而全先生之書也



論內經金匱陰虛陽虛症因各別治法不同

虛勞症有虛而無火者名虛寒。虛而有火者名虛火。同一言虛而虛寒虛火是分天壤。治虛寒之症宜溫補。忌滋陰。治虛火之症宜滋陰。忌溫補。然虛勞之症後天有形致病者易治。先天無形水火不足致病者難治。治先天不足之症要分別真陽虛真陰虛。真陽不足者陽虛無火也。當補陽。桂附八味丸。鹿角膠是也。真陰不足者陰虛火旺也。當補陰。知柏八味丸。玄武膠是也。補先天不足仲景但立桂附八味丸。陽補陽。未立知柏八味丸。

以補陰良以既立先天補火之法則先天補水之法便可一例而推錢仲陽微露機關而以八味腎氣凡減去桂附惟以六味凡平補腎水以為滋陰治法至丹溪則比例仲景之旨而以黃柏知母加入六味丸中直與桂附八味凡旗鼓相對補陽旺陰虧腎水不足得全仲景補陰制火之未備夫人身陰陽水火平等則生偏旺則病偏極則死夫陽虛則陰偏旺陰偏旺則陽愈虛陽至絕則獨陰亦隨之而絕矣陰虛則陽偏旺陽偏旺則陰愈虛陰絕則孤陽亦隨之而絕矣然虛勞之症到底陰虛者多